

INUIT ATAQATIGIIT

Inatsisartuni



UKA20/18
07.10.2020
Peter Olsen

Uunga siunnersuut: Pisortat akiliisarneri il. il. pillugit Inatsisartut inatsisaat nr. xx, xx.xxx 2020-meersoq.

(Aningaasaqarnermut Naalakkersuisoq)

Aningaasaqarnermut naalakkersuisup, naalakkersuisut sinnerlugit saqqummiuteqqammerpaa, Pisortat akiliisarneri il. il. pillugit Inatsisartut inatsisaat suli normulerneqarsimangitsoq 2020-meersoq

Naalakkersuisup nammineq oqarneratut, siunnersuut pisortat akiliisarneri il. il. pillugit Inatsisartut inatsisaata allangortinnissaanut siunnersuummik imaqqarpoq.

Naatsumik oqaatigalugu Nemkonto-mik pilersitsoqarnissaanik una allannguutissatut siunnersuut imaqqarluni.

Uuma nemkontop pilersinneqartussap siunertaraa innuttaasut suliffeqarfiillu sullinneqarnerisa assigiinngitsuusimasut assigissarneqarnissaat; Pisortanit aningaasat tunniunneqartartut, innuttaasunut aammalu suliffeqarfinnut, pitsaanerusement, sukkanerusement, pisariinnerusement, akikinnerusement sullanneqarsinnaalernissamik siunertaqartuulluni.

Nutarterineruvoq, pisariillisaanerullunilu.

Naluneqanngitsutut ukiuni kingullerni atortorissaarutitigut, attaveqaatitigullu nutarterineq pisariillisaanerlu annertuumik ingerlanneqalersimavoq; tikkuaannarsinnaavagut soorlu kikkut tamarmik digitalikkut allagarsisalernissaannut tunngasoq, NemId-mut tunngasoq, massakkullu tassa una Nemkonto aamma takkutilerpoq piviusunngortussanngorpoq.

Nutarterineq pisariillisaanerlu assortoruminaatsoq, aqutissaavoq siunissaallunillu allaqqunneqarsinnaangitsoq.

Taamaakkaluartoq aamma eqqaamassavarput, imaanngimmat kikkut tamarmik digitalinngorsaanissamat piareersimasut. Naamik, eqqaamassavarput ilaqaratta digitalinngorsaanermit suli piareersimangitsorpassuarnik; utoqqartatta ilaat eqqaaginnarsinnaavagut, isorliunerusement, nunaqqarfinnilu mikisuniittut, allallu soorlu angerlarsimaffeqanngitsorpassuaqarmat, aamma tamakku digitalinngorsaanerup aqqani eqqaamaneqarnissaat Inuit Ataqatigiinniit pingaaruteqartutut isigaarput. Tamana pillugu Inuit Ataqatigiinniit oqaatigissavarput, pineqartut tamakku tamarmik digitaliserinngimut tamakkiisumik suli piareersimangitsut, peqqissaartumik eqqarsaatigilluakkamillu aaqquussiffiqineqarnissaat.

Taamaattumik taamatut kaammattuuteqqarluta, sammisaq una pineqartoq annerusement oqaaseqarfigeqqinagu, ataatsimiititaliamut susasaqartumut peqqissaartumik sularineqarnissaa innersuullugu Inuit Ataqatigiinniit ingerlateqqipparput.

Qujanaq